



grípa til ráðsins í Fjallk. að hafa glas á mann. Katólska kirkjan hefur línúk, (purificatorium), til að þerra af barminum, þegar prestar eru saman til altaris.



Vísur sjera Matthíasar Jochumssonar til skáldsins B. B., sem Norðurljósið flutti í síðasta blaði sínu f. á., og annað blað hjer sunnanlands hafði þegar eptir, eru, að því er sjera M. sjálfur skýrir frá, prentaðar að honum fornsprúðum, hafði ritstj. Norðurlj. fengið þær eptir blaðið »Lýð« í einhverjum reitum, og kom það sjera M. óvænt að sjá þær nú á prenti. Þessa er vert að geta, af því að flestir munu hafa tekið vísurnar, eptir því sem á stóð, sem sjerlega »yfirlýsing« frá sjera M., sem eptir þessu er ekki ástæða til.



Þorkell prestur Eyjólfsson er látinn 19. des. f. á. Hann var síðast prestur að Staðastað. Hann varð 76 ára að aldri og þjónaði prestsembætti í 46 ár. Hans er mjög loflega minnzt í blöðunum.

Lausn frá prestskap hafa fengið, frá næstu fardögum að telja, sjera Gunnar Ólafsson að Höfða og sjera Ísleifur Einarsson að Stað í Steingrímsfirði.

Sjera Ísleifur hefur þjónað prestsembætti í 29 ár, en sjera Gunnar vantar 1 ár til að vera júbílprestur. Hann hefur verið í sama brauðinu allan sinn prestsþjónustu-tíma.

Brauð veitt. Skarðsþing í Dalaprófd. veitt 4. f. m. sjera Guðlaugi Guðmundssyni á Brúarfossi eptir ósk safnaðanna.

Synodusgreinarnar urðu rúmsins vegna að sitja á hakanum í þetta sinn, koma næst.

Sameiningin, mánaðarit hins ev. lút. kirkjufjelags Ísl. í Vesturheimi, 12 arkir á ári 7. árg. Ritstjóri sjera Jón Bjarnason í Winnipeg. Verð hjer 2 kr. Hjá bóksala Sig. Kristjánssyni í Rvík o. fl. víðsvegar um land.

Sæbjörg, mánaðarblað með myndum 1. árg. Ritstjóri sjera O. V. Gíslason. Blaðið er sent bjargráðanefndum og kostar 1 kr. og 50 a. árg. erlendis 2 kr. Fæst í Rvík hjá ritstj. Ísafoldar.

Kirkjublaðið, 2. árg. 1892 12--15 arkir, verð 1 kr. 50 a., fæst hjá flestöllum prestum og bóksölum. Borgist fyrir 15. júlí. Erlendis kostar blaðið 2 kr. (í Vesturheimi 60 cts).

Útbýt. bl. Af þessu blaði og febr. bl. fær síra Páll prófastur Ólafsson á Prestsbakka 50, og síra Kjartan Helgason í Hvammi 25.

Inn á hvert einasta heimili.

RITSTJÓRI: ÞÓRHALLUR BJARNARSON.

Prentað í Ísafoldar prentsmíðju. Reykjavík. 1892.